



Գեղարքունիքի մարզի ՔՀԿ-ների համար դասընթաց անցկացվեց սոցիալական ձեռնարկատիրության օրենսդրական խնդիրների մասին

Հունվարի 23-ին Գեղարքունիքի մարզում գործող ավելի քան 20 քաղհասարակության կազմակերպությունների (ՔՀԿ) ներկայացուցիչներ ծանոթացան օրենսդրական որոշ նրբությունների, որոնք վերաբերում են ՀԿ-ների ձեռնարկատիրական գործունեությամբ զբաղվելու նոր հնարավորությանը:

Դասընթացը կազմակերպվել է Եվրամիության կողմից ֆինանսավորող «Կառուցողական երկխոսության հանձնառություն» ծրագրի շրջանակում: Ծրագրի Բիզնեսի և հարակից ոլորտների համակարգող, ՓՄՁ համագործակցության ասոցիացիայի գործադիր տնօրեն Հակոբ Ավագյանը նշեց, որ այն ուղղված է քաղհասարակության կազմակերպությունների ազդեցիկության բարձրացմանը՝ հանրային քաղաքականությունների մշակման հարցում:

Հակոբ Ավագյանը ներկայացրեց սոցիալական ձեռնարկատիրության օրենսդրական խնդիրները. «Հասարակական կազմակերպությունների մասին» նոր օրենքի ընդունումից հետո շատ ՀԿ-ներ ցանկություն են ունենում ձեռնարկատիրական գործունեությամբ զբաղվել, սակայն մի շարք խնդիրների են բախվում, երբ անհրաժեշտ է լինում անցնել որևէ հարկման ռեժիմի: Մասնակիցների համար տարբեր օրինակներով, հարցուպատասխանի միջոցով ներկայացվեցին, թե որ գործունեությունը կարող է համարվել ձեռնարկատիրական:

Նա մասնակիցներին խորհուրդ տվեց ստեղծել առանձին առևտրային ընկերություն, վարել առանցնացված հաշվապահություն, քանի դեռ պետության կողմից հստակեցումներ մտցված չեն, թե ՀԿ-ի որ եկամուտն է համարվելու ձեռնարկատիրությունից ստացված, որ ծախսն է համարվելու ձեռնարկատիրության ուղղված եղել և թե որ եկամուտը ինչ ռեժիմով է հարկվելու:

«Մենք փորձում ենք մեր տարածաշրջանում տեղեկատվական տեխնոլոգիաների ոլորտը զարգացնել: Հետաքրքիր է, եթե մենք ձեռնարկատիրական գործունեությամբ զբաղվենք, ի՞նչ կերպ պետք է հարկվենք: Դասընթացում ինձ համար նոր տեղեկություններ կային, հետաքրքիր էր, և արժե, որ նորից լինեն նման հանդիպումներ»,-իր խոսքում նշեց դասընթացի մասնակից «ITM ինովացիոն կենտրոնի» ներկայացուցիչ Սարգիս Կիսյանը:

Արամ Վարդանյանը, ով «Հուլիսի ձեռք» ՀԿ հիմնադիր նախագահն է նշեց, որ նման դասընթացները արդյունավետ են քաղհասարակության կազմակերպությունների աշխատանքների բարելավման համար. «Հարկային օրենսդրությունը միշտ փոփոխվում է, բոլորն ունեն նորություններն իմանալու կարիքը: Շատ



փոփոխությունների մասին մենք չենք իմանում: Նման դասընթացները կարևոր են նրանով, որ բոլորը ճիշտ ներկայացնեն իրենց հաշվետվությունները և խուսափեն բարդություններից», -նշեց նա:

Դասընթացի ավարտից հետո Հակոբ Ավագյանը առանձին խորհրդատավություն տրամադրեց մասնակիցներին:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Սենթրլ Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ համագործակցության ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Մա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղհասարակության փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունն իրագել է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Աստղիկ Կարապետյան
Հանրային կապերի համակարգող

Հեռ.՝ 540199;
Ֆաքս՝ 580299;
Էլ. Հասցե՝ info@armla.am
Կայք՝ <http://www.armla.am>, <http://ccd.armla.am>,



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն

Հեռախոս՝ +37410 54 64 94

Իրավաբանների հայկական ասոցիացիա

Հասցե Նալբանդյան 7, բն. 2 Երևան, Հայաստան, 0010

Հեռախոս՝ +37410 54 01 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոս-հաուն, ռեսուրսներն ու ուղիները: 50 տարվա քնդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: